



# Centre Occitan del País Castrés

Cercle local de l'I.E.O. Tarn

« Ostal Azalais »

6 carrièra del Consolat 81100 CASTRAS

Tel e Fax : 05-63-72-40-61

## Dictada Occitana nò 12

Lo 31 de genièr de 2009

D'Anna Regord, *Nomadas*  
(IEO Edicions, 2008, « *Atots* » nò 182, p. 51)

### Lo pan

Aquí, al mièg d'enlòc, s'òm vòl de pan, lo se cal far. E òc, ne volèm. De galeta, de galeta de sabla, lo pan de l'èrm. Quicòm de fabulós, quicòm qu'es pas de creire.

(40 mots)

(Aicí s'arrèstan los pichons.)

Per far de galeta de sabla, cal de sabla, de lenha e mai de fuòc, de farina e d'aiga, un pecic de sal, e un bocin de biaï, amb una jòia bèla. Lo pan sens jòia es pas gostós.

(80 mots)

(Aicí s'arrèstan los collegials.)

D'en primièr, la sabla. N'as de pertot, que t'enròda al dintre de la pèl. [...] Mèfi pr'aquò, la sabla per la galeta, la cal causir polida, fina e canda, dins un aïral pro abrigat. Ne manca pas.

(120 mots)

(Aicí s'arrèstan los liceans.)

La lenha, se te vòls pas levar tròp d'ora, tant val t'avitalhar la velha, per l'anar pas corsar de temps, tanlèu desrevelhat. Te'n caldrà de finòta per alucar lo fuòc, de buscalha menuda, que petoneja al flam, e puèi de pus grosseta, per far de brasa espessa, que cremarà de temps.

(175 mots)

L'aiga, tu, la siás anada quèrre al potz. Rara e trebla. Ara es aquí que t'espèra dins l'ola, tèbia e apasimada. Si que non, a l'ora d'ara, tu, sens aiga pecaire, o seriás pas gaire, apasimat.

(216 mots)